



Data: 07.03.2019

Ref.: 386/18D

Bazuar në nenin 7, dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Ligjin për Procedurën e Përgjithshëm Administrative (nr. 05/L-31, datë 25 maj 2016), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Rregulloren mbi punën e Këshillit Shtetëror të Cilësisë, Nr. 621/18D, datë 12.06.2018, Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet kërkesa e Kolegjit Universum, Nr.1483/18, datë 31.10.2018 për akreditim të programeve të studimit:
 - Infermieri, BSc, 180 ECTS, dhe
 - Fizioterapi, BA, 180 ECTS.
- II. Ky vendim hyn në fuqi me nënshkrimin e tij.

Arsyetimi

Kolegji Universum ka parashtruar kërkesë (Nr.1483/18, datë 31.10.2018) në Agjencinë e Kosovës për Akreditim për riakreditim institucional dhe akreditim të programeve të studimit si në vijim: Infermieri, BSc, 180 ECTS; Dizajn, BA, 180 ECTS; Fizioterapi, BA, 180 ECTS, Diplomaci, MA, 120 ECTS, dhe Shkenca Politike, BA, 180 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 15 dhe 16 janar 2019 ka trajtuar aplikacionin e Kolegji Universum, dhe pas analizës së dokumentacionit të stafit akademik bazuar në pikën 1.2 të këtij neni, 10 të UA për Akreditim, në të cilin thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgaditët nga stafi i AKA-së", KShC erdhi në përfundim se programet e studimit: Infermieri, BSc, 180 ECTS, dhe Fizioterapi, BA, 180 ECTS, nuk i plotësojnë kushtet ligjore për aprovim të aplikacionit.

Trajtimi i aplikacionit të Kolegjit Universum, është bërë duke u bazuar në nenin 26, pika 5.3.4 e Udhëzimit Administrativ (15/2018, datë 28.09.2018) për Akreditim të Institucioneve të Arsimit të Lartë sipas së cilit: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Gjithashtu ky aplikacion është trajtuar edhe sipas Nenit 26, pika 5.3.11 e UA për Akreditim, sipas së cilës: *“Programet e studimit me mungesë të stafit akademik me gradën Dr.sc., ashtu siç është paraparë më këtë UA, (Infermieri BSc, Mami, BSc dhe Gjuha e Shenjave BSc), do te lejohen te hyjnë në procedurë të vlerësimit dhe akreditimit, me kusht që institucioni i arsimit të lartë do të siguron AKA-në që ka marrëveshje të bashkëpunimit me te paktën një institucion ndërkombëtar të arsimit të lartë i cili në vendin e tij të origjinës është i akredituar”.*

1. Për programin e studimit: *Infermieri, BSc, 180 ECTS*, si bartës të këtij programi Kolegji Universum ka paraparë këta persona: Flora Gjinofci Murtezi, Yllka Krasniqi, Dukagjin Zeqirja.

Ky program ka 180 ECTS kredi dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program Kolegji Universum duhet te ketë te paktën dy staf akademik me gradën akademike PhD me marrëdhënie të rregullt të punës nga fusha e programit të studimit.

Sipas Nenit 26, pika 5.3.11 e UA për Akreditim, *“Programet e studimit me mungesë të stafit akademik me gradën Dr.sc., ashtu siç është paraparë më këtë UA, (Infermieri BSc, Mami, BSc dhe Gjuha e Shenjave BSc), do te lejohen te hyjnë në procedurë të vlerësimit dhe akreditimit, me kusht që institucioni i arsimit të lartë do të siguron AKA-në që ka marrëveshje të bashkëpunimit me te paktën një institucion ndërkombëtar të arsimit të lartë i cili në vendin e tij të origjinës është i akredituar”.* Përveç asaj çka u tha me sipër IAL-të duhet te kenë staf permanent nga fusha e studimit, te paktën me gradën MA.

Pas verifikimit të dokumentacionit të stafit akademik të prezantuar nga Kolegji Universum për këtë program të studimit, u konstatua që: Flora Gjinofci Murtezi është MA në Menaxhment Shëndetësor, dhe jo në infermieri. Yllka Krasniqi, bazuar në deklaratat e angazhimit të saj, konfirmohet se e njëjta ka tri marrëdhënie te rregullta te punës dhe atë me Kolegjin Universum, Kolegjin ISPE dhe me Kolegjin UBT, dhe mbi ketë bazë e njëjta nuk mund te pranohet si bartëse e këtij programi të studimit. Ndërsa Dukagjin Zeqirja, është MA në Shkenca të Mjekësisë e jo në infermieri. Si rrjedhojë e fakteve të prezantuara me sipër, KShC vendosi si në dispozitiv të këtij vendimi.

Andaj bazuar në faktet e prezantuara me sipër dhe dispozitat ligjore te sqaruara me lartë, KSHC vendosi që në mungesë të stafit të fushës së programit të studimit, dhe bazuar në nenin 26, pika 5.3.4 e Udhëzimit Administrativ për Akreditim, ta refuzoj aprovimin e aplikacionit për programin e studimit *Infermieri, BSc, 180 ECTS*.

2. Për programin e studimit: *Fizioterapi, BA, 180 ECTS*, si bartës të këtij programi Kolegji Universum nuk ka paraparë asnjë person si bartës të këtij programi të studimit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*


Ky program ka 180 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Kolegji Universum, duhet të ketë të paktën tre staf akademik me gradën shkencore *PhD* me marrëdhënie të rregullt të punës nga fusha e programit të studimit.

Andaj bazuar në faktet e prezantuara me sipër dhe dispozitat ligjore të sqaruara më lartë, dhe në mungesë të stafit të fushës së programit të studimit, sipas nenit 26, pika 5.3.4 e Udhëzimit Administrativ për Akreditim, KShC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzoj aprovimin e aplikacionit për programin e studimit, *Fizioterapi, BA, 180 ECTS*.

Këshillë juridike: Kundër këtij vendimi pala e pakënaqur mund të paraqesë ankesë sipas Nenit 125 dhe 126, të Ligjit për Procedurën e Përgjithshme Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerrë këtë vendim bazuar në Nenin 128 të LPPA, në afatin prej 30 ditësh nga dita kur pala është njoftuar për aktin administrativ sipas Nenit 127 të LPPA

Vendimi iu dërgohet:

- BPrAL Kolegji “Universum”;
- MASHT-it;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

